



basic education

Department:
Basic Education
REPUBLIC OF SOUTH AFRICA

SENIOR CERTIFICATE EXAMINATIONS/ NATIONAL SENIOR CERTIFICATE EXAMINATIONS

**SISWATI LULWIMI LWEKUCALA LWEKWENGETA (FAL)
LIPHEPHA LEKUCALA (P1)
INKHWEKHWETI/INHLABA 2024**

EMAMAKI: 80

SIKHATSI: Ema-awa la-2

Leliphepha linemakhasi la-12.

TICONDZISO KULABAHLOLWAKO

1. Leliphepha lehlukaniwe tigaba LETINTSATFU:

SIGABA A:	Siviso	(30)
SIGABA B:	Sifinyeto	(10)
SIGABA C:	Takhi netimiso tekusetjentiswa kwelulwimi	(40)
2. Phendvula YONKHE imibuto ngeSiswati.
3. Cala LESO NALESO sigaba ekhasini LELISHA.
4. Dwebela ekugcineni kwaleso naleso sigaba.
5. Tinombolo tetimphendvulo atihambisane naleto letisephepheni lemibuto njengobe tinjalo.
6. Shiya umugca emkhatsini wetimphendvulo takho.
7. Caphelisisa sipelingi/lupelomagama nendlela lewakha ngayo imisho.
8. Kwehlukaniwa kwesikhatsi:

SIGABA A:	Emaminithi la- 50	
SIGABA B:	Emaminithi la- 20	
SIGABA C:	Emaminithi la- 50	
9. Bhala ngebunono nangesandla lesifundzekako.

SIGABA A: SIVISISO**UMBUTO 1**

1.1 Fundza lethekesthi bese uphendvula imibuto lelandzelako.

ITHEKSTHI A**KUBI KUTIBULALA**

- 1 Kulamalanga tintfo setigaya ngalomunye umhlatsi ebantfwini labasha mayelana nemfundvo yabo. Dokotela lophindze emaklasi lamatsatfu kabili ugcugcutela bafundzi bakamatekuletjeni labangakaphumeleli kutsi bangatibulali kodvwa basukume batitsintsite, bangalahli litsemba. Utsi setinyenti tigateko letimayelana nekutibulala kwebafundzi ngemva kwakuphuma kwemiphumela, kungasiyo yakamatekuletjeni kuphela kepha nakulamanye emabanga ikakhulukati ebangeni le-10 nale-11. 5
- 2 Dokotela Sanele Gumedze loweluleka bantfu labasha ngekukhetsa kahle imikhakha yetemfundvo lebatoyitsatsa, abuye abe ngumsunguli wemkhankhaso wekukhuta bafundzi labangakaphumeleli, utsi bangatibulali kodvwa abatfole lusito nekwelulekwa ngalabakudzingako kute bachubeke nemfundvo yabo. Gumedze uvela kaMhlabuyalingana, *une-Doctor of Philosophy in Cultural and Media Studies*. Esikhatsini lesinyenti usebenta ngebantfu labasha abeluleke ngetemfundvo. Utsi nakungabi kutibulala ngenyawupe bagcine balala etitaladini. Kungako yena abone kubalulekile kutsi asukume asebente nebantfu labasha kute likusasa labo lingapheleli etandleni tabo balibukile. 15
- 3 Lokunye, uma abona sikhula sibalo sebafundzi lokuye kubikwe kutsi batibulele ngenca yekutsi bafeyilile, wase ucala lomkhankaso loseneminyaka lemine wasungulwa. 'Ngisuswe kutsi nami ngiyati kutsi kuphindza liklasi kunjani. Libanga le-10, le-11 nale-12 ngawaphindza kabili ngobe imiphumela lengayitfoli ngalesikhatsi ngisafundza matekuletjeni kwekucala beyingajabulisi.' Ngaphoceleleka kutsi ngibuyele emuva ebangeni le-10 ngiyocala phasi ngobe batali bami bangenayo imali yekungibhadalela enyuvesi, ngako-ke kwadzingeka kutsi ngitfole imiphumela letakwenta kutsi ngitfole imifundzate. Uma sengifikile enyuvesi nakhona ngihlale sikhatsi lesidze, ngicabanga kutsi ngifundze iminyaka le-7 ngobe bengifuna kuphuma sengingudokotela. Umlayeto wami kubafundzi utsi, 'uma kwentekile wawa, vuka utitsintsite, ucale phasi utawuphumelela,' kusho Gumedze. 20
- 4 Gumedze utsi batali labanye bayincenye yekutibulala kwebafundzi labanyenti. Uthola bangayidlali indzima yekuba batali ebantfwaneni babo ngalokufanele. Batali bavela esikolweni ngobe naku bantfwana sebahlelekile. Labanye bafuna bantfwana babo bafeze emaphupho abo ngobe bona bahluleka kuwafeza. Utsi indzima lekumele idlalwe batali kumele icala lapho bantfwana bacala ngca kuya esikolweni. Kumele babati kutsi banawaphi emakhono kute nabefika esigabeni sekukhetsa imikhakha bakhone kubabonisa hhayi kubakhetsela. Uphindze watsi abababonise kahle futsi babacwayise nangekulandzela bangani, babavule ingcondvo kutsi sibantfu asifani. 35

40

- 5 Kusebentisana kwabothishela be-*Life Orientation* nebatali kungancandza lenkinga lesibukene nayo. Utsi kumele basebentisane netikolo kanye nebatali kusita bantfwana basasemabangeni laphasi. Uma umfundzi afika ebangeni le-9 kumele abe sekati kutsi ufuna kufundzela kuba yini kute akhone kukhetsa tifundvo lekatawutenta ebangeni le-10. Labanye bagcina bangena etifundvweni letimatima ngobe bangenaye umuntfu lobesekelako, atitfole sekakumatekuletjeni ahluleke, bese uyatibulala. Batali abakhoni kwesekela babuye bacinise nesandla kutsi umntfwana afundze kusenesikhatsi. Ubatfola bagceka bothishela ngekungaphumeleli kwemfundzi esikhundleni sekutsi babambisane nabo kute ekugcineni kusitakale umfundzi. 45 50
- 6 Utsi Hulumende udzimate wabona kuncono kutsi imiphumela yamatekuletjeni ingasakhishwa emaphepheni ngobe bafundzi ngabe emabito abo angaveli batsatsa sincumo sekutsi kuncono atibulale. Kudzingeka kutsi kukhutsatwe tihlelo tekubeluleka ngekwengcondvo kutsi abafundze kusanekhatsi, bakhetse kahle netifundvo lebatikhonako. Nanobe kungasakhishwa imiphumela emaphephandzabeni, bakhona bafundzi labatibulalako ngisho nalabo labakulamanye emabanga kuyenteka. 55
- 7 Lomkhankhaso uwenta etinkhundleni tekuchumana kakhulu lapho bantfu labasha batayele kuchumana khona. 'Kuba netigcawu lapho ngikhuluma ngekuvuka utitsintsite, kutsi uyakuphi uma utiva ucindzetelekile, udzinga lusito nekutsi wentanjani uma ufuna kubhalisa etikhungweni temfundvo lephakeme lekuyintfo leyenteka njalo ngaletikhatsi. Ngibuye ngeluleke ngekutsi uma ukhetsa tifundvo, ukhetse kahle ungakhetsi nje ngobe ufuna kutsiwe uyafundza. Khetsa umkhakha lonematfuba lamanyenti.' Kusho Gumedze. Njalo nakucala umnyaka uvakashela tikolo letinebafundzi labanyenti labangakaphumeleli kute akhulume nabo ngenhloso yekubakhutsata nekubeluleka bafundzi. Lomkhankhaso wakhe kutsiwa yi '-#*matric* ungatibulalali'. Leso sicubulo lafike abashiye naso. 60 65 70

[Itsetfwe ku-/so Lezwe, 10 Janawari 2023, likhasi 4 yahunyushwa]

- 1.1.1 Caphuna umusho losendzimeni ye-1 lochaza kutsi tintfo besetenteka ngalenywe indlela. (2)
- 1.1.2 Bhala sizatfu lesenta kutsi Dokotela Gumedze asukume agcugcutele lusha. (2)
- 1.1.3 Yini leyehelele Dokotela Gumedze asafundza aze abe nesifiso sekufuna kuncedza bafundzi? (2)
- 1.1.4 Endzimeni ye-2 kuvetwe tintfo Gumedze lasita lusha kuto. Bhala KUBILI. (2)
- 1.1.5 Shano KUBILI lokusendzimeni ye-2 lokuvamise kwentiwa lusha lwanamuhla lolwehlulwe sikolo. (2)

- 1.1.6 Chaza kutsi kumsita ngani umfundzi kubuyela ayophindza libanga lahluleke kulo. (2)
- 1.1.7 Ucabanga kutsi kungani kukhetfwe bothishela besifundvo se-*Life Orientation* ekusebentisaneni nebatali? (2)
- 1.1.8 Kubambisana kwebatali nabothishela kungaba nawuphi umphumela emphilweni yemfundzi. Bhala KUBILI. (2)
- 1.1.9 Hulumende angasita ngayiphi indlela ekwehliseni linani lelikhulako lebafundzi labatibulalako ngemuva kwekuphuma kwemiphumela? Bhala KUBILI. (2)
- 1.1.10 Uyavumelana yini nekutsi Dokotela Gumedze akhiphe loluhlelo lwakhe etinkhundleni tekuchumana kuphela kusita lusha? Sekela imphendvulo yakho. (2)
- 1.1.11 Kube bekunguwe Dokotela Gumedze bewungabuyela yini ebangeni le-10 ngemuva kwekubhala matekuletjeni? Sekela imphendvulo yakho. (2)
- 1.1.12 Lesicubulo lesitsi '#matric ungatibulalali' sinawuphi umlayeto kubafundzi? Chaza. (2)

1.2 Bukisisa lesibonwa bese uphendvula imibuto lelandzelako.

ITHEKSTHI B



[Itsetfwe: www.google.com]

1.2.1 Bhala KUNYE lokusetjentiswe ekwakheni letindlu. (1)

1.2.2 Khetsa KUNYE kuloku:

Loku lokwenteka kulesibonwa kutsiwa ...?

- A kubondza
- B kusila
- C kugandza
- D kubhuca

(1)

1.2.3 Uma ubuka loku lokwentiwa ngulabomake lababili kulesibonwa kusivetela siphil sitfombe? Bhala KUBILI. (2)

1.2.4 Ucabanga kutsi yini lengentiwa nguHulumende kuncedza kulesimo salaba labakulesibonwa? Bhala KUBILI. (2)

SAMBA SESIGABA A: 30

SIGABA B: SIFINYETO**UMBUTO 2**

Fundza lethekesthi bese uyayifinyenta uvete emaphuzu LASIKHOMBISA lamayelana **nekuvikela bantfwana etifeni**.

CAPHELA

1. Bhala emaphuzu LASIKHOMBISA ngemisho legcwele ngemagama LANGENGCI kula-60.
2. Imisho yakho ayibe netinombolo kusuka ku-1 kuya ku-7.
3. Bhala liphuzu LINYE emshweni ngamunye.
4. Sebentisa emagama AKHO.
5. Khombisa linani lemagama lowasebentisile ekugcineni kwesifinyeto uwafake kubakaki.

ITHEKSTHI C: SIFINYETO**KUVIKELA BANTFWANA ETIFENI**

Njengobe lilanga lishisa likhipha umkhovu etjeni kulamalanga, bosolwati betemphilo bakhutsata batali kutsi bafundzise bantfwana tindlela tekutivikela. Loku kungalekelela kakhulu ekutseni bangangenwa tifo kalula.

Batali kumele bafundzise bantfwana kudla kudla lokunemphilo ngaso sonkhe sikhatsi. Loko kumele kube yinjwayelo kuwo wonkhe umuntfu lokhona ekhaya kute bantfwana bafundze kunakekela imitimba yabo. Batali bangabajwayeta ngekutsi babaphekele kudla lokunemphilo ekhaya baphindze babentele kona nabaya esikolweni.

Bantfwana abanikwe kudla kwasebusuku kusasele lokungenani emahora lamatsatfu ngaphambi kwekutsi balale ngobe kumele kugayeke ngendlela lefanele. Loku kugwema kukhuluphala netifo letingabangwa kungagayeki kahle kwekudla. Batali ababajwayete nabo kutsenga kudla kwasekhaya ngobe ingcondvo yemntfwana ihlala iyaluka ifuna kwati tintfo letinsha ngaso sonkhe sikhatsi. Kungako kubalulekile kutsi batali babafake bantfwana babo ekuhleleni kudla lokuyotsengwa ekhaya. Lokwenta njalo ngulenywe yetindlela lengabasita kutsi bakwati kwehlukana ekhatsi kwekudla lokunemphilo nalokungenamphilo.

Bantfwana abaniketwe litfuba lekudlala bagijigijime nobe bazubazube kubonakale kutsi baphilile. Leminye imidlalo lebangayidlala libhola letinyawo nobe letandla, kushayela libhayisikili, incatfu naleminye imidlalo leyehluhlukenene. Loku nguletinye tetintfo letimcoka emphilweni yemntfwana. Gwema kubatsengela kudla lokuphekiwe. Loku kungabalekelela kutsi bavisise bumcoka bekudla kudla lokunemphilo.

Nciphisa sikali sashukela ngobe kunika bantfwana kudla lokunyenti lokunashukela kungababangela kutsi babanjwe tifo letinyenti letehlukene letibangwa kudla shukela kakhulu. Shukela angabanga kukhuluphala ngalokwecile, kuba nemdlandla ngalokwecile ugcine ungalali kahle. Leti nguletinye tetinkinga letingagwemeka uma batali babanika sikali lesifanele. Asibatsandzeni ngeliciniso bajwayetwe kunatsa emanti ngobe abalulekile. Ungabatsengeli tinatfo letinongotelako. Batali abatijwayete kunakekela bantfwababo ngetikhatsi tonkhe kute bavikeleke etifeni.

[Itsetfwe ku-Liso Lezwe, 25 Janawari 2023, Likhasi 11 yahunyushwa]

SIGABA C: TAKHI NETIMISO TEKUSETJENTISWA KWELULWIMI**UMBUTO 3: SIKHANGISI**

Fundza lesikhangisi bese uphendvula imibuto lelandzelako.

ITHEKSTHI D**UNGABA LIGAGU LELIDVUMILE NGEKUNGENELA
UMNCINTISWANO WEBACULI.**

Kubamba letingelako! Tibeke etfubeni lekutiwinela imintjingo lasembili.



Tentele imbasha lenyenti ngemculo

Imigomo nemibandzela:

Sifuna labasha bodvwa.

Bomahlalela nabomalambane asibadzingi.

[Itsetfwe: www.google.com]

3.1 Bhala mcondvophika weligama lelidvwetjelwe kulesihloko salesikhangisi. (1)

3.2 Khetsa YINYE imphendvulo.

Lenkhulumo letsi, kubamba letingelako ichaza kutsi kuphumelela ...

A lohlekako.

B lothulako.

C lohlebako.

D lotimiselako. (1)

3.3 Bhala MABILI emagama emintjingo lesesikhangisweni. (2)

3.4 Phindza ubhale lomusho uwente ungatsatsi luhlangotsi.
Sifuna labasha bodvwa. (2)

- 3.5 Kungani sitsi lenkhulumo ledvwetjelwe kulesikhangisi itsintsa imiva? Sekela imphendvulo yakho. (2)
- 3.6 Sebentisa ligama lelidvwetjelwe emishweni LEMIBILI uvete umcondvo losobala kanye nemcondvo lojulile walo. (2)
- Tentele imbasha lenyenti ngemculo. [10]

UMBUTO 4: IKHATHUNI

Fundza lekhathuni bese uphendvula imibuto lelandzelako.

ITHEKSTHI E



[Itsetfwe: www.google.com]

- 4.1 Phindza ubhale lomusho esikhundleni seligama lelidvwetjelwe ubhale sifinyeto salo. (1)
- Kudzala sikulidzile Mnumzane.
- 4.2 Khetsa YINYE imphendvulo. (1)
- Lenkhulumo letsi 'bengicela ningiphe indlebe' ishoni?
- A Kukhuleka
B Kuhleleka
C Kukhuluma
D Kulalelwa
- 4.3 Kulomusho longentansi tsatsa sentakutsi usisebentise emshweni. (2)
- Mine ngisatsi shelele ngasedolobheni.

- 4.4 Bhala KUBILI lokuveta kumangala efreyimini ye-2. (2)
- 4.5 Cedzela inkhulumonkholelo lebhale ngalokugcamile efreyimini ye-2. (2)
- 4.6 Ngabe LICINISO nobe NGUMBONO yini kutsi bonkhe bobabe abasibambi sikhatsi? Sekela imphendvulo yakho. (2)
- [10]**

UMBUTO 5: IPHROZI

- 5.1 Fundza lethekesthi bese uphendvula imibuto lelandzelako.

ITHEKSTHI F

UMPHATSI LOCOTFO

- 1 **Kwesekelana kwebantfu labasebenta ndzawonye kusikhiya sekulawula kahle** nenchubekelembili. Kwenta kuphatsa emsebentini kube malula. Kufanele kukhetfwe baholi kepha kubalulekile kutsi bahole ngekubambisana nalabo lasebentisana nabo kungabi nekutikhukhumeta. 5
- 2 Kuhle kwekutsi kube nekuvana nenkhululeko kepha kungatsikameti umsebenti. Akube nemtsetfo kute basebenti bangajwayelani kakhulu badzimate bakhohlwe injongo yemsebenti. Teke utsi akunasidzingo sekutsi basebenti besabe kukhuluma ngekukhululeka emsebentini uma kukhona umphatsi wabo. Utsi loko kusita umphatsi kutsi ayihlolisise kahle imibono angatsatsi kutsi nguyey kuphela lowatiko. Baphatsi abayekele umkhuba wekusebentisa tikhundla tabo ekucindzeteleni nemtsetfo lengekho. 10
- 3 *Umphatsi locotfo akukafaneli kutsi ahlutfuke* nobe alise uma aboniswa bantfu labaphetse. Kumele ehlise umoya, ababute ngesineke, emasu abo ngobe atosita ekuphumeleliseni tinhloso tenkapani. 15

[Itsetfwe ku-Iso Lezwe lamhlaka, 9 Janawari 2023, likhasi 8 yahunyushwa]


- 5.1.1 Phindza ubhale lomusho lolandzelako ube sebunyeni. (1)
- Kufanele kutsi kukhetfwe baholi. (1)
- 5.1.2 Gucula lomusho logcanyisiwe endzimeni ye-1 ube sesikhatsini lesengcile. (2)
- 5.1.3 Khetsa YINYE imphendvulo. Shano kutsi leligama lelidvuwetjelwe kulomusho longentasi lichazani. (1)
- 'Kungabi nekutikhukhumeta.'
- A Kutehlisa
- B Kutihlolisisa
- C Kutiphakamisa
- D Kutibukisisa

- 5.1.4 Sebentisa selulo sekweniwa kulamagama ladvwetjwelwe kulemisho lengentasi:
- (a) Kubalulekile kutsi bahole ngekubambisana. (1)
 - (b) Kumele kungatsikameti umsebenti. (1)
- 5.1.5 Nciphisa ligama lelibhalwe ngalokugcamile bese utakhela umusho ngalo.
- Abayekele **umkhuba** wekusebentisa tikhundla. (2)
- 5.1.6 Gucula lomusho loyinkhulumombiko ube inkhulumongco.
- Teke utsi akukameli kutsi basebenti besabe kukhuluma ngekukhululeka. (2)
- 5.1.7 Endzimeni ye-3 kulomusho lobhalwe ngalokutjekile kuneligama lelibalulako. Litsatse ulisebentise emshweni. (2)
- 5.1.8 Yakha umusho ngeligama lelitsi 'umoya' kuvele inchazelo leyehlukile kulomusho lodvwetjelwe endzimeni ye-3. (2)

5.2 SITFOMBE

Fundza lesitfombe bese uphendvula imibuto lelandzelako.

ITHEKSTHI G



[Itsetfwe: www.google.com]

5.2.1 Khetsa YINYE imphendvulo. Shano kutsi lesakhi lesibhalwe ngalokugcamile kulesitfombe lesingenhla sisivetelani?

- A Bukhulu
- B Buncane
- C Bulili
- D Budvuna

(1)

5.2.2 Lomusho lodvwetjelwe kulesitfombe lesingenhla ukuyiphi indlela yesento?

(1)

5.2.3 Bhala libitomfutiselo leligama lelidvwetjelwe kulomusho longentasi ulisebentise emshweni.

Make inkhukhu itawungiluma.

(2)

5.2.4 Sebentisa tabito letibhalwe ngalokugcamile kulemisho lengentasi emishweni lotakhele wona tibe ngumentiwangco.

(a) **Yona** ayilumani mshana.

(1)

(b) Lamadada sekadle **wonkhe** lommbila.

(1)

[20]

SAMBA SESIGABA C:
SAMBA SAKO KONKHE:

40

80